

## **MEKGWATŠHOMO KA MOKA E IKEMIŠEDITŠE BAKENG SA LEBI YA DINO TŠA SWIKIRI**

**Pretoria**, 28 Matšhe 2018 – Ditirelo tša Motšhelo tša Afrika Borwa (SARS) di ikemišeditše go phethagatša Lebi ya Dino tša Swikiri (SBL) yeo e tlo phethagatšwago ka 1 Aprele 2018.

Batšweletši bao ba tšweletšago dino tša swikiri ka palomoka ya ngwaga ya diteng tša swikiri tša go feta 500 kg ka ngwaga ba swanetše go hwetša laesense le SARS gomme ba lefele lebi go SARS. Batšweletši bao ba tšweletšago ka fase ga 500 kg ka ngwaga ba ka se lefele lebi, eupša ba tla kgopelwa go ngwadiša le SARS.

SARS e tiišeditše gore mekgwatšhomo ka moka e a hwetšagala go šoma gabotse ka tshepetšo, laesense le ngwadišo ya batšweletši ba dino tša swikiri.

Lebi e tla lefišwa ka disente tše 2.1 ka kramo enngwe le enngwe ya diteng tša swikiri tša go feta dikramo tše 4 go 100ml enngwe le enngwe. Se se ra gore dikramo tša mathomo tše 4 go 100ml enngwe le enngwe ga di lefišwi lebi. Dino tša swikiri tše di tšweletšwago pele ga 1 Aprele 2018 di ka se lefišwe lebi.

Go ya ka tebanyo ya SARS ya go tlhahla balefela motšhelo le go nolofatša obamelo ya bona yamotšhelo, SARS e dirile kamano le baišantle, batšweletši le baswarakabelo ba di intasteri tše dingwe ka tthatlamano ya dipontšho tše di dirilwego diprobentsheng tše hlano peleng ka Matšhe.

Tshedimošo enngwe le Dipotšišo tša Kgafetšakgafetša ka ga [Lebi ya Dino tša Swikiri](#) di hwetšagala go wepsaete ya SARS: [www.sars.gov.za](http://www.sars.gov.za)